



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ
ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍԶԱԿԱՆ ՄԱՐՄՆԻ
ՂԵԿԱՎԱՐ**

№ _____

« _____ » _____ 20 թ.

Ո Ր Ո Շ ՈՒ Մ S(18)200359

Վարչական տույժ նշանակելու մասին

ք. Երևան

«02» հուլիսի 2020թ.

Ես՝ Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի ղեկավար Գեղամ Շախբազյանս, ուսումնասիրելով «Ավտոփայլ» ՍՊ ընկերության նկատմամբ 2020 թվականի մարտի 6-ին կազմված վերահսկողության արդյունքների ամփոփման թիվ S(18)200359 արձանագրությունը և վարչական վարույթի վերաբերյալ այլ նյութերը՝

ՊԱՐԶԵՑԻ

ՀՀ քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) Գեղարքունիքի տարածքային բաժնի կողմից 06.03.2020 թվականին իրականացվել են վերահսկողական գործառույթներ՝ ուղևորափոխադրումների կազմակերպման գործընթացի նկատմամբ, որի արդյունքում կազմվել է վերահսկողության արդյունքների ամփոփման № S(18)200359 արձանագրությունը՝ «Ավտոփայլ» ՍՊ ընկերության (ՀՎՀՀ՝ 01540981, գրանցման հասցե՝ ՀՀ, Գեղարքունիքի մարզ, ք. Սևան, Սայաթ-Նովա փ., մասնաշենք 23) կողմից թիվ 317 Սևան-Երևան միջմարզային միկրոավտոբուսային կանոնավոր երթուղում կատարած վարչական իրավախախտման փաստի վերաբերյալ, այն է՝ խախտվել են հաստատված չվացուցակով միկրոավտոբուսների մեկնման 07:15, 09:00, 10:00, 11:00, 12:00, 13:00, 14:00, 15:00, 16:00 և 17:00 ժամերը, այսինքն՝ խախտվել է «Ավտոմոբիլային տրանսպորտի մասին»



0054, Երևան, Դավթաշեն 4-րդ թաղ., Ա. Միկոյան 109/8, էլ. փոստ՝
utfsib@utfsib.gov.am, հեռ.՝ (+374 60) 86 66 60



ՀՀ օրենքի 21-րդ հոդվածի 4-րդ մասի ա) կետի պահանջը՝ թույլ տալով Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 4-րդ մասով նախատեսված իրավախախտումը, այն է՝ կանոնավոր ուղևորափոխադրումներ իրականացնողների կողմից հաստատված չվացուցակներով ավտոբուսների (միկրոավտոբուսների) մեկնման ժամերի խախտումները:

ՀՀ կառավարության 2020 թվականի մարտի 16-ի N 298-Ն որոշմամբ Հայաստանի Հանրապետությունում հայտարարվել է արտակարգ դրություն: Դրա հիման վրա ՀՀ քաղաքաշինության, տեխնիկական և հրդեհային անվտանգության տեսչական մարմնի ղեկավարի 17.03.2020 թվականի թիվ 1/06 որոշմամբ Տեսչական մարմնի կողմից իրականացվող բոլոր վարչական վարույթները կասեցվել են:

ՀՀ քաղաքաշինության, տեխնիկական և հրդեհային անվտանգության տեսչական մարմնի ղեկավարի 15.05.2020 թվականի թիվ 2/06 որոշմամբ Տեսչական մարմնի կողմից հարուցված և չավարտված բոլոր վարչական վարույթները վերսկսվել են:

2020թ. հունիսի 12 - ին ժամը 15:00-ին Տեսչական մարմնում նշանակվել է վարչական գործի քննություն, ինչի վերաբերյալ «Ավտոփայլ» ՍՊ ընկերության տնօրեն Սուրիկ Կարապետյանի (անձնագիր՝ AM0385610, տրված՝ 21.07.2011թ., 050-ի կողմից, հասցե՝ ՀՀ, Գեղարքունիքի մարզ, ք. Սևան, Սայաթ-Նովա փ., 18 շ., 52 բն.) պատշաճ ծանուցված լինելու վերաբերյալ մինչ 2020թ. հունիսի 11-ը հավաստում չունենալու պատճառով (08.06.2020 թվականին պատշաճ ծանուցված լինելը հավաստող թիվ AG019879087AM փոստային անդորրագիրը հանձնվել է Տեսչական մարմնին 15.06.2020թ.) վարչական գործի քննությունը վերանշանակվել է 2020թ. հունիսի 24-ին ժամը 10:30-ին, ինչի վերաբերյալ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրվել է հայտարարություն՝ ապահովելով Սուրիկ Կարապետյանի պատշաճ ծանուցված լինելը (ՀՀ ինտերնետով ծանուցման պաշտոնական կայքի անդորրագիր N 693884): Վարչական գործի քննությանը Ընկերության կողմից ներկայացուցիչ չի ներկայացել և/ կամ գրավոր դիրքորոշում չի ներկայացվել:

Վերոնշյալ օրենսդրական պահանջների և չափորոշիչների հաշվառմամբ՝ վարչական վարույթի նյութերի հետազոտումից պարզվել է, որ վարչական վարույթի նյութերում առկա են իրավախախտման փաստը հաստատող բավարար ապացույցներ (2020 թվականի



մարտի 06-ին կազմված վերահսկողության արդյունքների ամփոփման թիվ S(18)200359 արձանագրությունը, լուսանկարների պատճենները, թիվ 317 Սևան-Երևան միջմարզային միկրոավտոբուսային կանոնավոր երթուղու չվացուցակը):

Այսպիսով, վարչական վարույթի ընթացքում հետազոտված ապացույցներով հիմնավորվել է «Ավտոփայլ» ՍՊ ընկերության տնօրեն Սուրիկ Կարապետյանի կողմից կատարված իրավախախտման փաստը:

Վերոգրյալի հիման վրա և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 9-րդ մասով, 244¹³-րդ հոդվածով, 281-րդ հոդվածով, 282-րդ հոդվածի 1-ին կետով՝

ՈՐՈՇԵՑԻ

«Ավտոփայլ» ՍՊ ընկերության տնօրեն Սուրիկ Կարապետյանին Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 4-րդ մասի հատկանիշներով ենթարկել վարչական պատասխանատվության և նրա նկատմամբ նշանակել վարչական տույժ՝ տուգանք 30,000 (երեսուն հազար) ՀՀ դրամ գումարի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:

Տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Տուգանքի գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:

Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:

 Recoverable Signature

X 

ԳԵԴԱՄ ՇԱԽԲԱԶՅԱՆ

Signed by: SHAKHBAZYAN GEGAM 2903870918



0054, Երևան, Դավթաշեն 4-րդ թաղ., Ա. Միկոյան 109/8, էլ. փոստ՝
utfsib@utfsib.gov.am, հեռ.՝ (+374 60) 86 66 60

